

## CERTAME BEATRIZ DA SERRA. POEMAS PREMIADOS

### CATEGORÍA A. ALUMNADO DE 4º, 5º E 6º DE PRIMARIA

1º Premio: Iria Pazos Aniorte, alumna do CEIP Carlos Casares, polo seu poema "Paisaxes esquecidas".

#### PAISAXES ESQUECIDAS

Hai un monte nesta cidade  
en auga de esquecemento.  
Un monte que ninguén lembra  
e non escoita nin un lamento.  
O monte tiña árbores  
árbores que están queimadas  
as cinzas tinguen de negro  
as paisaxes esquecidas.

2º Premio: Noa Sabín Cardoso, alumna do CEIP Carlos Casares, polo seu poema "Paxariños"

#### PAXARIÑOS

Á árbore da miña casa  
un paxariño voou  
ao cabo dun anaquiño  
a paxariña chegou.  
Os dous xuntos traballaron  
noite e día sen parar  
trouxeron ramas e paus  
e folliñas para amar.

**CATEGORÍA B. ALUMNADO DE 1º, 2º, 3º DE ESO E DE FP BÁSICA**

1º Premio: Iria Ludeña Pérez do CPI Covaterreña polo seu poema “Unha gaiola de 50 paxaros”

UNHA GAIOLA DE CINCUENTA PAXAROS

Pasan, corren, voan  
as piadosas horas,  
pero dentro dunha gaiola  
pesan máis do que voan.

Pasan, corren, voan...  
Acaso esgótaselles o tempo?  
Pero aquí dentro podo dicir:  
“As horas dormen, e non voan”.

2º Premio: Irene Pérez González do IES Terra de Turonio polo seu poema “Pombas e rulas”.

POMBAS E RULAS

Xunto a unha pequena escola,  
aquela árbore medraba.  
Dando acubillo a paxaros,  
que ás noites se refuxiaban.

Rulas que voaban e pombas pousadas,  
a vila repleta de todas elas.  
Dando vida ó ceo e ós balcóns  
dábanlle un pouco de emoción.



Mención especial do xurado, Iria Ludeña Pérez do CPI Covaterreña polos seus poemas “Atentamente, eu” e “Abismo”.

#### ATENTAMENTE, EU

Quixera eu dicirlle, señor mariñeiro,  
que a triste mociña do porto será a súa perdición,  
mais serán as súas mans delicadas e a súa pel de porcelana  
a cura ás súas terribles correntes salgadas.

Quixera eu dicirlle, señor mariñeiro,  
que gardarei con puño de ferro o seu acérrimo corazón,  
ese que eu, a súa mociña triste do porto,  
gañou. Quixera vostede, ou quixera eu?

#### ABISMO

Nesa morea de cabelos,  
negros como a plácida noite,  
revoltos coma as escuras augas  
dun río e as súas correntes....

Nesa morea de cabelos,  
onde se enredan as estrelas,  
desaparecen poderosos ventos.  
É alí onde se perde a miña mirada.

**CATEGORÍA C. ALUMNADO DE 4º DE ESO, 1º, 2º DE BACHARELATO E CICLOS FORMATIVOS**

1º Premio: Clara Rey Barona do IES Escolas Proval polo seu poema “Dor”.

DOR  
Berros de muller  
Almas engaioladas  
Silencios mortais



2º Premio: Helena Iglesias Cabral do IES Escolas Proval polo seu poema “Tan só morren os do primeiro mundo?”

TAN SÓ MORREN OS DO PRIMEIRO MUNDO?  
Morrían e ninguén falaba  
agora morren na nosa terra  
e de súpeto recuperan a fala.